

"Bualu bua Nzambi wakatamba kusua ba pa buloba, Yeye wakabapa Muanende umuepele mulela bua muntu yonso wamuitabuja kafu biende, kadi ikale ne muoyo wa tshiendelele ... mu muanda ewu mudi dinanga, kembua tuetu tuakunanga Nzambi, kadi bua Yeye wakatunanga, wakatuma Muana wende bu mulambu wa kubuikila nawu mibi yetu."

(Yone 3:16. 1 Yone 4:10)

Muana wakatumanisha dina dia Tatu

Pakafika diba dia makenga ne lufu bia Mukelenge Yesu pabuipi, tudi tumvua meyi ende kabidi kudi Tatu wende ne, "Ba mu ba pa buloba bawakumpa nakubaleja dina diebe; bakadi bebe, wewe wakubampa; bakutumikila diyi diebe. Tatu wanyi muakane, ba pa buloba kabakakumanya, kadi meme nakakumanya; aba kabidi bakamanya ne, Wewewakuntuma; nakubamanyisha dina diebe, nembamanyishedi kabidi, bua dinanga diwakunnanga nadi merne kuikaladi munda muabo, ne meme mundamuabo."

(Yone 17:6, 25-26)

Bena Kilisto badi batumbisha Tatu bualu bua Muana

"Nusakidile Tatu, wakatuvuija bantu badi mua kuikala babanyanganyi ba bupianyi bua basanto bua mu munya. Nyeye wakatupandisha ku bukokeshi bua midima, wakatubueja mu bukelenge bua Muana wa dinanga diende, utudi ne kupikudibua kuetu munda muende, nkujimija kua mibi yetu."

(Kolosa 1:12-14)

"Ne ebu mbumanyishi ne, Nzambi wakatupa muoyo wa tshiendelele, ne muoyo ewu udi munda mua Muana wende. Udi ne Muana udi ne muoyo; udi kayi ne Muana wa Nzambi kena ne muoyo. Nakufunda malu aa kunudi, bua nuenu numanye ne, Tudi ne muoyo wa tshiendelele, kunudi nuenu badi bitabuja dina dia Muana wa Nzambi."


(1 Yone 5:11-13)

© C.E.R.S. - B.P. 1673 Kananga

République Démocratique Du Congo

Email: 33eme.cers.lit@gmail.com

<http://www.33eme-cers.org/>



Muana wa Nzambi

Mukelenge Yesu Kilisto udi Mgana wa Nzambi. Nzambi nkayende wakajadika bualu ebu ku musulu wa Yadene: "Yesu wakumuka mu mayi; ne monayi, diulu diakamubulukila ... ne umvuayi, diyi diakafuma mu diulu ne, Ewu udi Muana wanyi munanga, Yeye udi unsankisha bimpe." (Matayo 3:16,17)

Nzambi wakajadika bualu ebu musangu muibidi ku kukudimuka kua Mukelenge Yesu, pakadiye pamutu pa mukuna ne bayidi bende: "Monayi, ditutu diengelela diakababuikila; diyi diakalupuka mu ditutu ne, Ewu udi Muanyani munanga, Yeye udi unsankisha bimpe, mumvulayi". (Matayo 17:5)

Kampala kua tshibangidilu tshia bikondo Muana wakadiku

Tudi tumvua meyi a Mukelenge Yesu bu mudiye uyikilangana ne Tatu wende ne, "Tatu, diba diakufika; utumbishe Muanebe, bua Muana akutumbishe ... nakukutumbisha pa buloba, nakujikija mudimu uwakumpa. Tatu, katataka untumbishe diatshimue nebe ne butumbi butuakadi nabu nebe diambedi buloba kabuyipu ... Tatu, ndi musue bawakumpa bikale kundi bua kutangilabo butumbi buwakumpa, bualu bua wewe wakansua meme diambedi kabayi banze kufuka buloba". (Yone 17:1,4-5,24)

Butumbi bua Muana

a) Muana ... "udi tshifuanyikiji tshia Nzambi udi kayi mua kumuenebua, muanabutewa bifukibua bionso". (Kolosai 1:15)

b) Muana... "udi dinkenka dikole dia butumbi bua Nzambi netshifuanyikiji mene tshia Bunzambi buende". (Ebelu1:3)

c) Nzambi ... "wakafukeye nende buloba kabidi ... bualu bua munda muende muakafukibua bintu bionso bia mu diulu ne bia pa buloba ... bintu bionso biakafukibua ku bukole buende ne bua bualu buende". (Ebelu 1:2. Kolosai 1:16)

d) Muana "udi wimanyika bintu bionso ku diyi dia bukole buende". (Ebelu 1:3)

e) "Pakamaneye kupetela bantu diuvua dia ku malu mabi abo, wakashikama kutshianza tshia bukole tshia MutambeBlmenewamulu". (Ebelu 1:3)

f) Nzambi wakateka Muana "mupianyi wa bintu bionso ... ne Yeye udi kumpala kua bintu bionso ... bualu bua Tatu wakasanka bua tshi uwidi tshionsotshia Bunzambitshikale mundamuende." (Ebelu 1:2.Kolosai 1:17,19)

g) "Bua Muana Yeye udi wambane, Nzambi, nkuasa webe wa bukelenge udiku too bikondo ne bikondo, ne dikombo dia buakane ndikombo dia bukelenge buebe." (Ebelu 1:8)

Nzambi wakatuambila diyi kudi Muana

Pakalua Muana, Nzambi biende wakambila bantu diyi kudiye. Mukelenge Yesu nkayende wakamba ne, "Nakulua mu dina dia Tatu wanyi." (Yone 5:43)

"Nzambi, mumane kuambila batatu meyi ende kudi baprofete bende kale mu bitupa bia bungi ne mu biambidi bia bungi, kunshikidilu kua matuka aa wakatuambila bietu diyi kudi Muana." (Ebelu 1:1)

"Tatu kena ulumbuluisha muntu, kadi Yeye wakupa Muana bulumbuluishi buonso, bua bantu bonso batumbishe Muana bu mudibo batumbisha Tatu. Udi kayi utumbisha Muana kena utumbisha Tatu wakamutuma." (Yone 5:22,23)

Nzambi wakatuma Muana wende bua kuikaleye Musungidi wa ba pa buloba

Lumu Luimpe lua Nzambi ludi "bualu bua Muana wende Mulume, wakedibua bu mudi buntu buende kudi tunkanunuina tua Davidi, wakamanyishibua Muana wa Nzambi ne bukole ku dibika diende dia ku bafue, bu mudi nyuma wende wa tshijila; Yesu Kilisto, Mukelenge wetu." (Lomo 1:1-4)